

保命集下

劉守真醫書四

中風論第十

神醫劉守真撰

論曰。經云風者百病之始。善行而數變。行者動也。風本生於熱。以熱為本。以風為標。凡言風者。熱也。叔和云。熱則生風。冷生氣。是以熱則風動。宜以靜勝其躁。是養血也。治須少汗。亦宜少下。多汗則虛其衛。多下則損其榮。汗下各得其宜。然後宜治在經。雖有汗下之戒。而其中臟中腑之說。中腑者。宜汗之中臟者。宜下之。此雖合汗下。亦不可過也。仲景曰。汗多則亡陽。下多則亡陰。亡陽則損其氣。亡陰則損其形。經曰。氣血者人之神。不可不謹養也。初謂表裏不和。須汗下之。表裏已和。是宜治之在經也。其中腑者。面加五色。有表證。脉浮而惡風。惡寒拘急不仁。或中身之後。或中身之前。或中身之側。皆中腑也。其治多易。中臟者。唇吻不收。舌不轉。而失音。鼻不聞香臭。耳聾而眼瞤。大小便秘結。皆曰中臟也。其治多難。經曰。六腑不和。流結為癰。五臟不和。九竅不通。若外無留結。內無不通。必知在經也。初證既定。宜以大藥養之。當順時令。而調陰陽。安臟腑。而和榮衛。察病機。審氣宜。而少有不愈者。若風中腑者。先以加減續命湯。隨證發其表。若忽中臟者。則大便多秘。溢宜服三化湯。通其滯。表裏證已定。別無他變。故以大藥和治之。大抵中腑者。多着四肢。中臟者。多滯九竅。雖中腑者。多兼中臟之症。至於舌強失音。久服大藥能自愈也。有中風濕者。夏月多有之。其證身重如山。不能轉側。宜服除濕去熱之藥。治之不可用鍼。可用灸。今具六經續命湯方。小續命湯。通治八風五痺痿厥等疾。以一歲為總。以六經為別。春夏加石膏。知母。黃芩。秋冬加桂附芍藥。又於六經別藥。隨證細分。加減自古名醫。不能越此。

凡覺中風。必先審六經之候。慎勿用大熱藥。為附之類。故陽劑剛勝。積燎原為消狂。瘡腫之屬。則天癸竭而榮涸。是以中風有此誠。故經所謂邪風之至。疾如風雨。易曰。撓萬物者。莫疾乎風。若感之淺。

者留於肌膚感之深者達於骨髓蓋禍患之機藏於細微非常人之豫見及其至也雖智者不能善其後是以聖人之教下皆謂之虛邪賊風避之有時故中風者俱有先見之證凡人如覺大拇指及次指麻木不仁或手足不用或肌肉蠕動者三年內必有大風之至經曰肌肉蠕動命曰微風宜先服八風散愈風湯天麻丸各一料為效故手大指次指手太陰陽明經風多著此經也先服祛風滌熱之劑辛涼之藥治內外之邪是以聖人治未病不治已病又曰善治者治皮毛是止於萌芽也故初成者獲愈固久者伐形是治未病之先也

中風之人如小便不利不可以藥利之既得自汗則津液外亡小便自少若利之使榮衛枯竭無以制火煩熱愈甚當候熱退汗止小便自行也兼此證乃陽明大忌利小便須當識此中風之人能食者凡中風病多能食蓋甲已化土脾盛故能食由是多食則脾氣愈盛上克制腎水水虧則病增據也病宜廣服藥不欲多食病能自愈中風多食者風木也盛則克脾脾受敵求助於食經曰實則夢與虛則夢取是也當瀉肝木治風安脾脾安則食少是其効也中風之人不宜用龍麝犀珠譬之提鈴巡於街使盜者伏而不出益使風邪入於骨髓如油入麵莫能出也此之類焉若痰潮不省昏憤不知人事宜用藥下其痰涎故風者百病之長庸可忽諸

小續命湯

麻黃 去節

人參

黃芩 各二兩

芍藥

防己

桂枝

川芎 各一兩

防風 二兩半

附子 半兩

杏仁

甘草 各二兩

右除附子杏仁外搗為麤末後入二味令勻每服五七錢水一盞半生薑五片煎至一盞去滓稍熱服食前

凡中風不審六經之加減雖治之不能去其邪也內經云開則漸然寒閉則熱而悶知暴中風邪宜先以加減續命湯隨證治之

中風無汗惡寒麻黃續命主之

麻黃

防風

杏仁

依本方。添加一倍。宜鉞太陽。至陰出血。崑崙陽蹻。

中風有汗惡風桂枝續命主之

桂枝

芍藥

杏仁

依本方加一倍。宜鉞風府。以上二證。皆太陽經中風也。

中風無汗。身熱不惡寒。白虎續命主之

石膏

知母

甘草

依本方加一倍

中風有汗。身熱不惡風。葛根續命主之

葛根

桂枝

黃芩

依本方加一倍

宜鉞陷谷。刺厲兌。鉞陷谷者。去陽明之賊。刺厲兌者。瀉陽明經之寔也。

以上二證。陽明經中風也。

中風無汗身涼。附子續命主之

附子

乾薑

甘草

加三兩

宜刺隱白穴。去太陰之賊也。此一證。太陰經中風也。

中風有汗無熱。桂枝續命主之

桂枝

附子

甘草

依本方加一倍

右六鉞太谿。此證。少陰經中風也。

中風六證。混淆繫之於少陽厥陰。或肢節寧痛。或麻木不知。西羌活。連翹。續命主之。

小續命

八兩

加羌活

四兩

連翹

六兩

考之續命混淆無六證之別。今各分經治療。又分經鉞刺。恰厥陰之井。大敦刺以通其經。少陽之經。

絕骨。多以引其熱。是鍼灸同象法。治之大體也。

中風外無六經之形證。內無便溺之阻格。知血弱不能養筋。故手足不能運動。舌強不能言語。宜養血而筋自榮。大秦羌湯主之。

秦羌 三兩

甘草 二兩

川芎 二兩

當歸 二兩

白芍藥 三兩

細辛 半兩

川羌活

防風

黃芩 各二兩

石膏 二兩

吳白芷 二兩

白朮 一兩

生地黃 二兩

熟乾地黄 二兩

白茯苓 二兩

川獨活 二兩

右一十六味。剉。每服一兩。水煎。去滓。溫服。無時。如遇天陰。加生薑煎。如心下痞。每兩。加楮實一錢。

同煎

中風外有六經之形證。先以加減續命湯。隨證治之。內有便溺之阻格。復以三化湯主之。

厚朴

大黃

枳實

羌活 各等分

右剉如麻豆大。每服三兩。水三升。煎至一升半。終日服之。以微利為度。無時法。曰。四肢不舉。俗曰。癱瘓。故經所謂太過。則令人四肢不舉。又曰。土太過。則敦阜。阜高求敦厚也。既厚而又高。則令除去。此真所謂膏粱之疾。非肝腎經虛。何以明之。經所謂三陽三陰。發病為偏枯痿。易四肢不舉。王注曰。三陰不足。則發偏枯。三陽有餘。則痿。易二為變。易常用。而痿弱無力也。其治則瀉。令氣弱。陽衰。土平而愈。或三化湯。調胃承氣湯。選而用之。若脾虛則不用也。經所謂土不及。則卑陷。卑下也。陷坑也。故脾病。四肢不用。四肢皆稟氣於胃。而不能至。經必因於脾。乃不得稟受也。令脾不能與胃行其津液。四肢不得稟水穀氣。日以衰。脉道不利。筋骨肌肉皆無氣以生。故不用焉。其治可補十全散。加減四物。去邪留正。

愈風湯。中風證。內邪正除。外邪已盡。當服此藥。以行導諸經。久服大風悉去。縱有微邪。只從此藥。加減治之。然治病之法。不可失其通塞。或一氣之微汗。或一旬之通利。如此為常治之法也。久則清濁

自分榮衛自和如此初覺風動服此不致倒仆。

羌活

甘草

防風

蔓荊子

川芎

細辛

枳殼

人參

麻黃

甘菊

薄荷

枸杞

當頭

知母

地骨皮

黃耆

獨活

杜仲

吳白芷

秦苑

柴胡

半夏

前胡

厚朴

熟地黄

防已各二兩

茯苓

黃芩各二兩

石膏四兩

芍藥三兩

蒼朮

生地黄各四兩

桂一兩

以上三三味通七十二兩

右剉每服一兩水二盞煎至一盞去滓溫服如遇天陰加生薑煎空心一服臨卧再煎藥滓服俱要食遠服空心一服嚥下二丹丸為之重劑臨卧一服嚥下四白丹為之輕劑動以安神靜以清肺假令一氣之微汗用愈風湯三兩麻黃一兩均作四服一服如生薑五斤空心服以粥投之得微汗則佳如一旬之通利用愈風三兩大黃一兩亦均作四服如前煎臨卧服得利則妙常服之藥不可失四時之轉如望春大寒之後加半夏二兩通四兩柴胡二兩通四兩人參二兩通四兩謂迎而奪少陽之氣也望夏之月半加石膏二兩通六兩黃芩二兩通五兩知母二兩通四兩謂迎而奪陽明之氣也季夏之月加防已二兩通四兩白朮二兩茯苓二兩通五兩謂勝脾土之濕也初秋大暑之後加厚朴二兩通四兩藿香二兩桂一兩通二兩謂迎而奪太陰之氣也霜降後望冬加附子一兩桂一兩通二兩當歸二兩通四兩謂勝少陰之氣也得春減冬四時類此雖立法於四時之加減更宜臨病之際審病之虛實熱寒土地之宜邪氣之多少此藥具七情六慾四氣無使五臟偏勝及不動於榮衛如風秘服之則永不燥結如火瀉服之則能自調初覺風氣便能服此藥及新方中天麻丸各一料相為表裏治未病之勝藥也及已病者更宜常服無問男子婦人及小兒驚癇搖急慢驚風等病服之神効如解利四時傷風隨四時加減法又療脾腎虛弱惡訖言難精神昏憤及治內弱風濕內弱者乃風熱火光體為芳風濕土餘內弱之為病或一臂

肢體偏枯。或肥而半身不隨。或恐而健忘。喜以多思。故思忘之道。皆情不足。衛是以心亂則百病生於心。靜則萬病悉去。故此藥能安心養神。調陰陽。無偏勝。及不動榮衛。

四白丹能消肺氣。養魄。謂中風者。多昏。胃氣不清。利也。

白木半兩

白芷一兩

白茯苓半兩

白檀一錢半

人參半兩

知母二錢

羌活一錢半

薄荷三錢半

獨活二錢半

防風

川芎各五錢

細辛二錢

甘草五錢

甜竹葉三兩

香附子五錢

龍腦半錢

麝香一錢

牛黃半錢

藿香一錢半

右件二十味。計八兩六錢。三字為細末。煉蜜為丸。每兩作十丸。臨卧嚼一丸。分五七次嚼之。上清肺氣。下強骨髓。

二月丸。治健忘。養神定志。和血。內安心神。外華腠理。

丹參二兩半

丹砂五錢

遠志半兩

茯神一兩

人參五錢

菖蒲五錢

熟地黃二兩半

天門冬二兩半

麥門冬二兩半

甘草一兩

右為細末。煉蜜為丸。如桐子。大每服五十丸。至一百丸。空心食前常服。安神定志。一藥清肺。一藥安神。故清中清者。歸肺以助天真。清中濁者。堅強骨髓。血中之清。榮養于神。血中之濁。華榮腠理。如素有痰。久病中風。津液湧溢。在胸中氣所不利用。獨聖散吐之後。用利氣瀉火之劑。本方在後。

瀉青丸。治中風自汗。昏冒發熱。不惡寒。不能安卧。此是風熱煩燥。

當歸

龍膽

川芎

梔子

羌活

大黃

天麻丸。係新方中。

右為細末。煉蜜為丸。如彈子大。每服一丸。竹葉湯化下。

天麻六兩

酒浸三

牛膝六兩

杜仲七兩

草解六兩

玄參六兩

附子一兩

當歸十兩

生地黃十六兩

羌活十兩

附子一兩

草解六兩

玄參六兩

附子一兩

右為細末練蜜為丸如桐子大常服五七十丸病大至百丸空心食前溫酒或白湯下平明服藥至日高饑則止服藥大忌雍塞失于通利故服藥半月稍覺壅微以七宣丸輕疎之使藥再為用也牛膝草解治筋骨杜仲使筋骨相着天麻羌活和風之勝藥當歸地黃養血能和榮衛玄參主用附子佐之行經也

瓜蒂 一兩

獨聖散 治諸風隔痰諸癰痰涎津液湧溢雜病亦然
右剉如麻豆大燥令黃色為細末每服量虛寔久新或三錢藥末茶一錢酸薑汁一盞調下若用吐法天氣清明陰晦無用如病卒暴者不拘于此法吐時辰午已前故內經曰平旦至日中天之陽陽中之陽也論四時之氣仲景曰大法春宜吐是天氣在上人氣亦在上一日之氣卯辰之寅候也故宜早不宜夜也先令病人隔夜不食服藥不吐再用熱薑水投之如吐風癰病者如全蠍半錢微炒知有虫者加狗油五七點雄黃末一錢甚者加芫花末半錢立吐其虫如濕腫滿者如赤小豆末一錢故此不可常用大要辨其虛寔寔則瓜蒂散虛則梔子豉湯滿加厚朴不可一概用之吐罷可服降火順氣安神定志之劑

治風癰病不能愈者從厚朴尤宜春秋加添外又于每一料中加

人參 菖蒲 茯苓 一兩半 各

右依厚朴丸春秋加添法和劑服餌厚朴丸方在吐論中
防風通聖散

防風 川芎

薄荷 麻黃 各半兩 不去節

荆芥穗 銀半兩 滑石 三兩

當歸

石膏

甘草 二兩

芍藥

桔梗

大黃

黃芩 各兩

芒硝

白朮

連翹

山梔子

右為麤末。每服一兩。生薑同煎。溫服。日再服。勞汗當風。汗出為酸。鬱乃座勞。汗出于玄府。脂液所凝。去芒硝。倍加芍藥。當歸。發散玄府之風。當調其榮衛。俗云風刺。或生癰疹。或赤或白。倍加麻黃。鹽豉。葱白。出其汗。麻黃去節。亦去芒硝。鹹走血。而內凝。故不能發汗。罷依前方中。加四物湯。黃連解毒。三藥合而飲之。日二服。故內經曰。以苦發之。謂熱在肌表。連內也。小便淋瀝。去麻黃。加滑石。連翹。煎藥湯。調木香末二錢。七麻黃主表。不主于裏。故去之。腰脇痛。走疰疼痛者。加硝石。當歸甘草。一服。各二錢。調車前子末。海金沙末。各二錢。內經曰。腰者腎之府。破傷風者。如在表。則卒以散之。在裏。則苦以下之。兼散之。汗下後。通利血氣。祛逐風邪。每一兩內。加荊芥穗。大黃各二錢。調全蝎末一錢。羌活末一錢。諸風潮搐。小兒急慢驚風。大便結秘。邪熱暴甚。腸胃乾燥。寢汗咬牙。上窺睡語。筋轉驚悸。肌肉蠕動。每一兩加大黃二錢。梔子二錢。調茯苓末二錢。如肌肉蠕動者。調羌活末一錢。故經曰。肌肉蠕動。命曰微風。風傷于肺。欬嗽喘急。每一兩加半夏。桔梗。紫苑各一錢。如打撲傷損。支節疼痛。腹中惡血不下。每一兩加當歸。大黃各三錢。半調沒藥。乳香末。各二錢。解利四時傷寒。內外所傷。每一兩內。加益元散一兩。葱白十莖。鹽豉一合。生薑半兩。水一椀。同煎。至五七沸。或煎一小椀。溫冷服。一半以筋探之。即吐罷。後服一半。稍熱。服汗出立解。如飲酒中。風身熱。頭痛如破者。加黃連。鬚二錢。葱白十莖。依法立愈。慎勿用桂枝。麻黃湯解之。頭旋腦熱。鼻塞濁涕。時下。每一兩加薄荷。黃連各二錢。半。內經曰。膽後熱于腦。則辛頰鼻淵。鼻淵者。濁涕下不已也。王注曰。膽液下泄。則為濁涕。下不已。如水泉。故曰鼻淵也。此為足太陽脉。與陽明脉俱盛也。故氣逆者。調木香末一錢。

癰風論第十一

內經曰。癰風者。有榮氣熱。附其氣不清。故使鼻柱壞。而色敗。皮膚瘍潰。故先風寒客于脉。而不去。名曰癰風。又曰。脉風成為癰。俗云癰病也。故治法云。大風骨節重。鬚眉墮。名曰大風。刺肌肉病。故汗出。

百日王注曰泄衛氣之怫熱刺骨髓汗出百日泄榮氣之怫熱凡二百日鬚眉生而止鍼怫熱屏退陰氣內復故多汗出鬚眉生也先樺皮散從少至多服五七日後灸承漿穴七壯灸瘡輕再灸瘡愈再灸後服二聖散泄熱祛血之風邪戒房室三年鍼灸藥止逐類象形此治肺風之法也然非止肺藏有之俗云鼻屬肺而病發于肺端而言之不然如此者慨鼻准腫赤脹但為瘡之類乃謂血隨氣化既氣不施化則血聚矣然血既聚使肉腐爛而生虫也謂厥陰主生五虫厥陰為風木故木主生五虫蓋三焦相火熱甚而制金金衰故木來尅侮經曰侮勝也宜瀉火熱利氣之劑虫自不生也法云流水不腐戶樞不蠹此之類也故此疾血熱明矣當以藥緩疎泄之煎局方內外升麻湯下徐氏

內瀉青丸餘各隨經言之故病風者陽氣先受傷也

樺皮散

治肺藏風毒遍身瘡疥及癰疹瘙痒搔之成瘡又治面風刺及婦人粉刺

樺皮燒灰

荆芥穗二兩

甘草半兩

炙杏仁二兩

去皮尖用水一碗于銀器內

煎去水一半已後收放合乾

枳殼四兩

去穢用炭火燒令微

灰于溫紙上令合

右件除杏仁外餘藥為末將杏仁別研合細次用諸藥合勻磁合內放之服每三錢食後溫酒調下

二聖散 治大風癰疾

大黃半兩

皂角刺三錢

燒反

右將皂角刺一二斤燒灰研細煎大黃半兩湯調下二錢早服樺皮散中煎升麻湯下瀉青丸晚

服二聖散此數等之藥皆為緩疎泄血中之風熱也

七聖丸 局方中七宣丸 局方中皆治風壅邪熱潤利大腸中風風癰風癰大便秘澀皆可服之此方

局方中治法曰雖柯子味苦澀而能止臟腑此利藥中用柯子合大黃枳寔緩緩而推陳泄去邪氣

若年老風秘澀者乃津液內亡也故不可用峻劑攻之內經曰年四十而氣自半也起居衰矣年五

十體重耳目不聰明矣年六十陰痿氣大衰九竅不利下虛上寒涕淚出矣故曰知之則強不知則老舉世皆言年老之人無熱俱虛豈不明年四十而陰氣自半故陰虛陽盛明矣是以陰盛其下陽盛其上故上實下虛此理明矣

破傷風論第十二

論曰夫風者百病之始也清淨則腠理閉拒雖有大風苛毒而并能為害也故破傷風者通于表裡分別陰陽同傷寒證治問閤往往有不知者只知有發表者不知有攻裏者和解者此汗下和三法也亦同傷寒證有在表者有在裏者有半在表半在裏者在裏宜下在表宜發汗在表裏之間宜和解然汗下亦不可過其法也又不可妄意處治各通其臟脉免汗泄之非宜也故破傷風者從外至內甚於內者則病也因此卒暴傷損風襲之間傳播經絡至使寒熱更作身體反強口噤不開甚者邪氣入臟則分汗下之治諸瘡不瘥榮衛虛腠肉不生瘡眼不合者風邪亦能外入於瘡為破傷風之候故諸瘡不瘥時舉世皆言着灸為上是謂熟瘡而不知火熱客毒遂諸經變不可勝數微則發熱甚則生風而搐或角弓反張口噤目斜皆因瘡鬱結於榮衛不得宣通而生亦有破傷不灸而病此者瘡着白痴瘡口閉塞氣難通泄故陽熱易為鬱結而熱甚則生風也故表脉浮而無力太陽也脉長而有力者陽明也脉浮而弦小者少陽也大陽宜汗陽明宜下少陽宜和解若明此三法而治不中病者未之有也

羌活防風湯

治破傷風邪初傳在表

羌活

防風

川芎

梔子

當歸

芍藥

甘草各二兩

地榆

華細辛各二兩

右咬咀每服五錢水一盞半同煎至七分去滓熱服不拘時候量緊慢加減用之熱則加大黃二兩大便秘則加大黃一兩緩緩令過

白木附風湯 若服前表藥過有自汗者宜服此藥

白木一兩 防風二兩 黃耆一兩

右咬咀每服五錢水一盞半煎至一盞去滓溫服不拘時候臟腑和而有自汗可用此藥破傷風臟腑秘小便赤自汗不止者因用熱藥汗出不休故知無寒也宜速下之先用芎黃湯三二服後用大芎黃湯下之

芎黃湯

川芎一兩 黃芩六錢 甘草二錢

右咬咀每服五錢水一盞半同煎至七分去滓溫服不拘時候三服即止再用下藥

大芎黃湯 川芎一錢 羌活

黃芩

大黃各一兩

右咬咀依前煎服宜和為度

發表雄黃散

雄黃一錢 防風二錢 草烏一錢

右仲為細末每服一字溫酒調下裏和至愈可服裏和不可服

蜈蚣散

蜈蚣一對 鰮五錢

左蟠龍五錢炒煙盡為度野錢是也

右仲為細末每服一錢清酒調下治法依前用裏和至愈可服但有裏證不可服次當下之用前蜈蚣散四錢巴豆霜半錢燒蝕為丸如菜豆大每服一丸漸加六七丸清酒調蜈蚣散少許送下宣利為度內外風去可常服羌活湯緩緩而治不拘時候服之羌活湯者治半在表半在裏也

羌活湯

羌活

菊花

麻黃

川芎

石膏

防風

前胡

黃芩

細辛

甘草

枳殼

白茯苓

蔓荊子

己上各一兩

薄荷半兩

吳白芷半兩

右咬咀每服五錢水一盞半入生薑五片同煎至一盞去滓稍熱服不拘時候日進二服

防風湯

治破傷風同傷寒表證未傳入裏宜急服此藥

防風

羌活

獨活

川芎

各等分

右咬咀每服五錢水一盞半煎至七分去滓溫服三二服後宜調蜈蚣散大效

蜈蚣散

蜈蚣一對

鯢三錢

右為細末用防風湯調下如前藥解表不已覺轉入裏當服左龍丸漸漸看大便硬軟加巴豆霜

服之

左龍丸

左蟠龍五錢

白殭蠶五錢

鯢半兩

雄黃一錢

右同為細末燒蝕為丸如桐子大每服十五丸溫酒下如裏證不已當于左龍丸末一半內入巴

豆霜半錢燒蝕為丸如桐子大每服一丸同左龍丸一處合服每服藥中加一丸如此漸加服至

利為度若利後更服後藥若瘡瘻不已亦宜服後藥羌活湯也

羌活湯

羌活

獨活

防風

地榆各一兩

右咬咀每服五錢水一盞半煎至一盞去滓溫服如有熱加黃芩有涎加半夏若病日久氣血漸

虛邪氣入胃全養血為度

養血當歸地黃散

當歸

地黃

芍藥

川芎

藁本

防風

白芷各一兩

細辛五錢

右咬咀依前煎服

雄黃散 治表藥

天南星三錢

半夏五錢

天麻五錢

雄黃二錢半

右為細末每服一錢溫酒調下如有涎于此藥中加大黃為下藥

地榆防風散

治破傷風中風半在表半在裡頭微汗身無汗不可發汗宜表裏治之

地榆

防風

地丁香

馬齒莧各等分

右件為細末每服三錢溫米飲調下

白木湯

治破傷風大汗不止筋攣搐搦

白朮

葛根各二兩

升麻

黃芩各半兩

芍藥二兩

甘草二錢半

右咬咀每服一兩水一盞半煎至一盞去滓溫服不拘時候

江鰮丸

治破傷風驚而發搐臟腑秘澁知病在裏可用江鰮丸下之

江鰮

野鴿羹

雄黃一錢

白殭蠶半兩

蜈蚣一對

天麻一兩

右件為細末又將藥末作三分用二分燒蝕為丸如桐子大硃砂為衣後將一分入巴豆霜一錢

同和亦以燒蝕為丸如桐子大不用硃砂衣每服硃砂為衣丸二十九入巴豆霜一丸第二服二

丸加至利為度再服硃砂為衣藥病愈止

沒藥散 刀箭藥止血止痛

定粉一兩

風化灰一兩

枯白礬三錢

乳香半錢

沒藥一兩

另研

右件各研為細末同和勻再研搗之

解利傷寒論第十三

論曰傷寒之法先言表裏及有緩急三陽表當急裏當緩三陰表當緩裏當急又曰脉浮當汗脉沉當下脉浮汗急而下緩謂三陽表也脉沉下急而汗緩謂三陰裏也麻黃湯謂之急麻黃附子細辛湯謂之緩內經云有漬形以為汗為汗之緩裏之表也又云在皮者汗而發之為汗之急表之表也急汗者太陽緩汗者少陰是臟腑之輸應也假令麻黃附子細辛湯是少陰證始得發熱脉沉裏和無汗故漬形以為汗假令麻黃湯是太陽證頭項痛腰脊強脉浮無汗裏和是也在皮者汗而發之也經曰治主以緩治客以急此之謂也

麻黃湯

麻黃去節

桂枝三錢

甘草二錢

草

杏仁去皮尖

二十箇

右

咀

都作

一服水煎去滓溫服

假令得肝脉其外證喜潔面青善怒其三部脉俱弦而浮惡寒裏和謂清也麻黃湯內加羌活防風各三錢謂肝主風是膽經受病大便秘或泄下赤水無數皆裏不和也假令得心脉其外證面赤口乾善笑其尺寸脉俱浮而洪惡寒裏和謂清也麻黃湯內加黃芩石膏各三錢謂主心熱是小腸受病也假令得脾脉其外證面黃善噦善思善味尺寸脉俱浮而緩裏和惡寒麻黃湯內加白朮防已各五錢謂脾主濕是胃經受病也假令得肺脉其外證面白善嚏悲愁不樂欲哭其尺寸脉俱浮而溢裏和惡寒麻黃湯內加桂枝生薑各三錢謂肺主燥是大腸受病也假令得腎脉其外證面黑善恐顯其尺寸脉俱浮而裏和惡寒麻黃湯加附子生薑謂腎主寒是膀胱受病也已上各五證皆表之表謂在皮者急汗而發之也皆腑受病表之裏者下之當緩謂隨臟表證外顯尺寸脉俱浮而復有裏證謂發熱飲水便利赤溢或泄下赤水按之內實或痛麻黃湯去麻黃杏仁

與隨臟元加藥同煎。作五服。每下一證。初一服。加大黃半錢。邪盡則止。未盡第二服。加大黃一錢。邪未盡第三服。加大黃一錢半。如邪未盡。又加之。邪盡則止。此謂先緩而後急。是表之裏證。下之當緩也。麻黃附子細辛湯。

麻黃半兩去

細辛半兩去

附子一錢一分半炮

右咬咀。都作一服。水煎。去滓。溫服。

假令得肝脉。其內證滿閉。淋瀝便難轉筋。其尺寸脉俱沉。而弦。裏和惡寒。肝經受病。麻黃附子細辛內。如羌活。防風各三錢。假令得心脉。其內證煩心心痛。掌中熱而噦。其尺寸脉俱沉。裏和惡寒。心經受病。如黃芩石膏各二錢。假令得脾脉。其內證腹脹滿。食不消。怠墮嗜卧。其尺寸脉俱沉。裏和惡寒。脾經受病。如白朮防己各三錢。假令得肺脉。其內證喘咳。洒淅寒熱。其尺寸脉俱沉。裏和惡寒。肺經受病。如生薑桂各三錢。假令得腎脉。其內證泄如下重。足脛寒而逆。其尺寸脉俱沉。裏和惡寒。腎經受病。更加附子。生薑各三錢。已主五證。裏之表也。宜漬形以為汗。皆臟受病也。裏之裏者。下之當急。謂隨臟內證以顯。尺寸脉俱沉。復有裏證者。謂大小便秘澀。或泄下赤水。或泄無數。不能飲食。不惡風寒。發熱引飲。其脉俱沉。或按之內寔而痛。此謂裏寔。宜速下之。麻黃附子細辛內麻黃。與隨臟元加藥內分作三服。每下一證。初一服。加大黃三錢。邪盡則止。如邪未盡。其一服。加大黃二錢。又未盡。第三服。加大黃一錢。此先急而後緩。謂裏之裏也。當速下之也。通解利。傷寒不問何經之受。皆能混然。解之謂不犯。各經之受病。雖不解盡。亦無壞證。

羌活湯

羌活 二兩

防風 一兩

川芎 一兩

黃芩 一兩

細辛 二錢半

甘草 炒 一兩

黑地黃 二兩

白朮 二兩 如用者

右吐咀每服五七錢水二盞煎至一盞無時溫服清如覺發熱引飲加黃芩甘草各一兩更隨證如頭痛惡風于白朮湯一兩內加羌活散三錢都作一服

羌活散

羌活一兩半 川芎七錢 細辛根二錢半

如身熱依前加石膏湯四錢

石膏湯

石膏二兩 知母半兩 白芷七錢

如腹中痛者加芍藥散三錢

芍藥散

芍藥二兩 桂五錢

如往來寒熱而嘔加柴胡散二錢

柴胡散

柴胡根一兩 半夏五錢洗

如生薑煎如心下痞加枳實一錢如有裏證加大黃初一服一錢次二錢又三錢邪盡則止

論曰有汗不得服麻黃無汗不得服桂枝然春夏汗孔疎雖有汗不當用桂枝宜用黃耆湯和解秋

冬汗孔閉雖無汗不當用麻黃宜用川芎湯和解春夏有汗脉乃微而弱惡風惡寒者乃太陽證秋

冬之脉也亦宜黃耆湯無汗亦宜川芎湯秋冬有汗脉盛而浮發熱身熱者乃陽明證春夏之脉也

亦宜黃耆湯無汗亦宜川芎湯大抵有汗者皆可用黃耆湯無汗者亦可用川芎湯

黃耆湯有汗則止也

黃耆

白朮

防風各等分